

U skladu sa Zakonom o udruživanju građana(Službene novine Federacije br.45/2002) Osnivačka skupština udruženja Aeroklub "Izet Kurtalić" Visoko, u Visokom 24.aprila 2004.godine donosi sljedeći:

STATUT

UDRUŽENJA AEROKLUB "IZET KURTALIĆ" VISOKO

I-OPĆE ODREDBE

ČLAN 1.

Aeroklub "Izet Kurtalić" Visoko,(udaljem tekstu Aeroklub) je sportsko-tehnička organizacija koju čine dobrovoljno učlanjeni članovi(u daljem tekstu Članovi Kluba).

Aeroklub je organizacija koja se bavi razvojem i unapređenjem zrakoplovno-tehničkog odgoja, obrazovanja i sporta, djece, omladine i građana.

Aeroklub je nestranačko i nepolitičko udruženje.

Aeroklub je udružen u Vazduhoplovni savez Bosne i Hercegovine / Zrakoplovni savez Bosne i Hercegovine i član je Sportskog saveza općine Visoko. Aeroklub ostvaruje saradnju sa drugim organima i organizacijama koje neposredno rade ili pomažu razvoju zrakoplovno-tehničkog odgoja, obrazovanja i sporta.

Aeroklub nastavlja svoj kontinuitet postojanja od 1953 godine.

ČLAN 2.

Naziv udruženja je :AEROKLUB "IZET KURTALIĆ" VISOKO

Sjedište Udruženja je u Visokom, ul. Gornje Rosulje br.3

Područje na kojem ostvaruje svoju djelatnost je Visoko i područje općina koje okružuju općinu Visoko , odnosno gravitiraju općini Visoko.

Pečat Aerokluba je okruglog oblika prečnika 30mm sa sljedećim tekstom: AEROKLUB "IZET KURTALIĆ" VISOKO. U sredini pečata je amblem -dvije stilizirane letjelice.

ČLAN 3.

Aktivnost aerokluba obuhvata zrakoplovne sportove:

- Zrakoplovno modelarstvo
- Raketarstvo
- Letačke djelatnosti
- Padabranstvo
- Balonarstvo
- Zmajarstvo
- Zrakoplovnu samogradnju i konstruktorstvo
- Ostale zrakoplovno-tehničke aktivnosti.

U okviru sportske aktivnosti djeluje zrakoplovni podmladak. Navedene aktivnosti se odvijaju na teritoriji djelovanja Aerokluba i to u modelarskim klubovima, letilištima i posebnim klubovima zrakoplovnog podmalka prema odrednicama Statuta Aerokluba(član 1. i 2.).

ČLAN 4.

Aeroklub ima svojstvo pravnog lica i upisuje se u registar kod nadležnog organa u skladu sa zakonom. Aeroklub za preuzete obaveze odgovara svojom imovinom (puna odgovornost).

II-CILJEVI I ZADACI

ČLAN 5.

Aeroklub vrši sljedeće poslove i zadatke:

- a) radi na stvaranju i razvoju masovnog podmladka, zrakoplovnog sporta i zrakoplovne opće tehničke kulture djece, omladine i građana,
- b) U okviru Vazduhoplovnog saveza Bosne i Hercegovine / Zrakoplovnog saveza Bosne i Hercegovine iznosi stavove i mišljenja o sistemu takmičenja te aktivno učestvuje u njegovom kreiranju i sprovođenju,
- c) Organizira sportske priredbe, općinskog, regionalnog, državnog i međunarodnog nivoa na osnovu utvrđenih kriterija i sportskog kalendara,
- d) Utvrđuje kriterije i mjerila za finansiranje provođenja programa obuke i sporta,
- e) Pred organe Vazduhoplovnog saveza Bosne i Hercegovine / Zrakoplovnog saveza Bosne i Hercegovine, Sportskog Saveza, Narodne tehnike, Oružanih snaga BiH i državnih organa iznosi prijedloge i zahtjeve za provođenje aktivnosti a naročito u :
 - Definiranju nastavnih programa i planova na osnovu kojih se stiču preduvjeti za dalje školovanje u civilnoj i ratnoj avijaciji,
 - Zdrasvenoj zaštiti i osiguranju sportista,

-Nabavci opreme za školovanje kadrova i sportsku djelatnost, te planiranju izgradnje održavanja i korištenja hangara, radionica, učionica i letaćkih sredstava,

- f) Informira javnost o sveukupnim rezultatima zrakoplovnog sporta, posebno sa teritorija svog djelovanja,
- g) Utvrđuje odnos Aerokluba sa svojim zaslužnim aktivistima, sportistima, trenerima, nastavnicima, društvenim radnicima i vanjskim saradnicima čiji je doprinos doveo do razvoja aerokluba, kao i njegove afirmacije.

ČLAN 6.

U skladu sa zakonom Aeroklub može obavljati privrednu i uslužnu djelatnost i osnivati preduzeća za obavljanje ovih djelatnosti . U skladu sa odlukama nadležnog organa, Aeroklub može vršenje dopunske djelatnosti prenjeti i drugoj organizaciji.

ČLAN 7.

Članstvo u Aeroklubu je dobrovoljno. Članovi Aerokluba mogu postati svi građani koji prihvate Statut i programska načela Aerokluba.

ČLAN 8.

Član Aerokluba ima pravo da:

- bira i bude biran u sve organe Aerokluba i Vazduhoplovnog saveza Bosne i Hercegovine / Zrakoplovnog saveza Bosne i Hercegovine,
- iznosi prijedloge, mišljenja i stavove koji su od značaja za Aeroklub i Vazduhoplovni savez Bosne i Hercegovine / Zrakoplovni savez Bosne i Hercegovine u cjelini,
- u skladu sa kriterijima Aerokluba i Vazduhoplovnog saveza Bosne i Hercegovine / Zrakoplovnog saveza Bosne i Hercegovine učestvuje na takmičenjima i sportiskim manifestacijama,
- koristi klubsku imovinu, objekte i usluge stručnih lica Aerokluba,
- dobiva redovna i objektivna obavještenja o radu Aerokluba i njegovih organa.

ČLAN 9.

Član Aerokluba ima obaveze:

- da u okviru svog znanja i mogućnosti radi na ličnom usavršavanju, unapređenju rada Aerokluba i korektnom predstavljanju Aerokluba pred trećim licima,
- ličnim ponašanjem ne šteti ugledu Aerokluba,

-pridržava se odredbi Statuta i drugih normativnih akata Aerokluba i Vazduhoplovnog saveza Bosne i Hercegovine / Zrakoplovnog saveza Bosne i Hercegovine,

-vodi brigu o redovnom upisu uplaćene članarine u člansku knjižicu, čime dokazuje tekuće važeće članstvo u Aeroklubu.

ČLAN 10.

Članstvo u Aeroklubu prestaje dobrovoljnim istupom na osnovu pismene izjave, brisanjem iz evidencije zbog neaktivnosti duže od godinu dana ili ličnim nedoličnim ponašanjem van Aerokluba.

ČLAN 11.

Član Aerokluba može biti isključen iz članstva ako djeluje suprotno interesima Aerokluba, statutarnih odredbi ili ličnim nedoličnim ponašanjem van Aerokluba.

Inicijativu za isključenje mogu podnijeti najmanje tri člana Aerokluba ili Predsjedništvo (Uprava) Aerokluba u pismenoj formi. Odluku o isključenju donosi disciplinska komisija koju za svaki pojedini slučaj imenuje Predsjedništvo(Uprava) Aerokluba. Na odluku komisije može se uložiti žalba Skupštini Aerokluba čija je odluka konačna.

IV-ORGANIZACIJA AEROKLUBA

ČLAN 12.

Aeroklub ima Skupštinu, Presjedništvo(Upravu), Predsjednika, Upravnika letilišta i Sekretara Aerokluba.

a) SKUPŠTINA

ČLAN 13.

U okviru prava i dužnosti Aerokluba skupština Aerokluba (daljem tekstu Skupština) je najviši organ Aerokluba.

ČLAN 14.

U okviru prava i dužnosti Aerokluba Skupština:

- a) Donosi Statut Aerokluba,
- b) Daje saglasnost na Statut Sportskog Saveza općine Visoko,
- c) Daje mišljenje i učestvuje u izradi i izmjenama Statuta Vazduhoplovnog saveza Bosne i Hercegovine / Zrakoplovnog saveza Bosne i Hercegovine,
- d) Utvrđuje programe i planove rada Aerokluba,
- e) Utvrđuje oblike i metode obezbjeđenja sredstava za rad Aerokluba,
- f) Donosi odluke o saradnji sa drugim organizacijama,

- g) Vršiti izbor nosilaca funkcija u Aeroklubu, te predstavnike Aerokluba u organe Vazduhoplovnog saveza Bosne i Hercegovine / Zrakoplovnog saveza Bosne i Hercegovine, Sportskog saveza općine Visoko i druge sportske organizacije,
- h) Donosi finansijski plan i usvaja završni račun,
- i) Razmatra i usvaja izvještaje predsjedništva i Predsjedništva(Uprave) aerokluba,
- j) Donosi poslovnik o radu Skupštine.

ČLAN 15.

Skupštinu čine po 8 članova svake aktivne sekcije Aerokluba i članova Predsjedništva(Uprave) Aerokluba. Predstavnike za sjednicu Skupštine članovi sekcija biraju na sastanku sekcijekao i udruženih klubova i sekcija sa terena.

ČLAN 16.

Skupština može donositi punovažne odluke ako je prisutno najmanje dvije trećine članova Skupštine. Sve odluke Skupština donosi nadpolovičnom većinom prisutnih članova Skupštine, izuzev izmjena ili donošenja novog Statuta Aerokluba gdje je potrebna dvotrećinska većina.

ČLAN 17.

U slučaju rata, neposredne ratne opasnosti, elementarnih nepogoda i drugih vanrednih okolnosti, kada se iz tih razloga Skupština nemože sastati, sva prava dužnosti i nadležnosti Skupštine preuzima Predsjedništvo(Uprava) dok traju te okolnosti.

ČLAN 18.

Skupština ima poslovnik. Poslovnikom se regulišu unutarnja pitanja organizacije rada Skupštine, uslovi za rad članova Skupštine, postupak donošenja odluka i drugih opštih akata, način glasanja kao i druga pitanja od značaja za efikasan i racionalan rad Skupštine.

ČLAN 19.

Član Skupštine ima pravo da:

- podnositi prijedloge akata i pokretati druga pitanja iz nadležnosti Skupštine,
- postavljati pitanja koja se odnose na rad Predsjedništva(Uprave) Aerokluba i Predsjedništva Vazduhoplovnog saveza Bosne i Hercegovine / Zrakoplovnog saveza Bosne i Hercegovine i radnih tijela ovih organa i nosilaca funkcija,
- tražiti obavještenja i podatke koja su mu potrebna za vršenje dužnosti člana Skupštine,
- izvršavati odluke i zaključke Skupštine i njenih radnih tjela.

ČLAN 20.

Skupština ima predsjednika i podpredsjednika koje bira iz redova članova Skupštine. Mandat predsjednika i podpredsjednika Skupštine je 4 godine.

ČLAN 21.

Predsjednik Skupštine ima pravo da:

- predstavlja Skupštinu,
- saziva sjednice Skupštine,
- stara se o provođenju odredaba Poslovnika Skupštine,
- vrši i druge poslove za koje ga ovlasti Skupština.

ČLAN 22.

Skupština se saziva najmanje jednom godišnje.

Ako predsjednik ne saziva Skupštinu za period duži od godinu dana, Skupštinu može sazvati Predsjedništvo(Uprava) Aerokluba ili najmanje jedna trećina članova Aerokluba. Predsjedništvo(Uprava) Aerokluba može sazvati Skupštinu po određenim pitanjima bitnim za rad Aerokluba. U tom slučaju Skupština raspravlja samo o pitanjima zbog kojih je sazvana.

ČLAN 23.

Podpredsjednik Skupštine punopravno zamjenjuje predsjednika Skupštine u odsutnosti.

ČLAN 24.

Kandidate za predsjednika i podpredsjednika predlaže radno tijelo Skupštine. Izbor predsjednika i podpredsjednika se vrši javnim ili tajnim glasanjem o čemu odlučuje Skupština. Za svaku od predloženih funkcija može se kandidovati jedan ili više članova Skupštine. Od predloženih kandidata izabran je onaj sa najvećim brojem glasova prisutnih članova Skupštine. Poslovníkom o radu Skupštine potpunije se razrađuje postupak izbora i opziva predsjednika i podpredsjednika Skupštine.

ČLAN 25.

Predsjednik i podpredsjednik Skupštine mogu biti opozvani ako opoziv, uz pismeno obrazloženje pokrene najmanje 10 članova Kluba ili Predsjedništvo(Uprava) Aerokluba. Odluka o opozivu donosi se prostom većinom glasova. Ako opoziv nije izvršen ne može se ponovo tražiti opoziv iz istih razloga zbog kojih je izvršeno glasanje o opozivu.

ČLAN 26.

Radi razmatranja prijedloga, odluka i drugih akata, donošenje konkretnih zaključaka i rješenja, kao i drugih poslova iz cjelokupnog rada Skupštine, Skupština može formirati svoja radna tijela, što se uređuje posebnim odlukama Skupštine.

ČLAN 27.

Odlukom Skupštine moraju biti definisani zadaci i djelokrug rada radnih tijela.

b) PREDSJEDNIŠTVO(UPRAVA)

ČLAN 28.

Predsjedništvo(Uprava) je izvršni organ Skupštine. Predsjedništvo (Uprava) ima predsjednika, i dva podpredsjednika koje bira Skupština na period od četiri godine.

ČLAN 29.

Članove Predsjedništva(Uprave) bira Skupština na prijedlog Komisije za izbor i imenovanja. Imenovani su oni kandidati koji su dobili najviše glasova prisutnih članova Skupštine. Predsjednik i podpredsjednik Skupštine su ujedno i predsjednik i podpredsjednik Predsjedništva(Uprave) Aerokluba. Član Predsjedništva(Uprave) može biti opozvan na osnovu odredaba iz člana 25. ovog Statuta.

ČLAN 30.

Predsjedništvo(Uprava) Aerokluba vrši sljedeće poslove i zadatke:

- izvršava odluke Skupštine,
- predlaže programe i planove rada i razvoja Aerokluba,
- podnosi izvještaj o radu Aerokluba i daje ih Skupštini na usvajanje,
- imenuje sekretara Aerokluba , kao i rukovodioce i članove radnih tijela i stručnih komisija Aerokluba,
- radi na obezbjeđenju sredstava za rad Aerokluba putem donacija , marketinga te uslužnih i privrednih djelatnosti u skladu sa odredbama ovog Statuta,
- organizuje i sprovodi stručnu obuku kadrova, propagadne akcije i sportska takmičenja,
- ostvaruje saradnju sa srodnim i drugim organizacijama koje su od značaja za rad i afirmaciju Aerokluba,
- vrši i druge poslove i zadatke koji su od značaja za Aeroklub, a nisu u nadležnosti drugog organa Aerokluba.

ČLAN 31.

Radi efikasnijeg i racionalnijeg rada Predsjedništvo(Uprava) ima svoj Poslovník o radu. Poslovníkom se uređuje vlastita organizacija rada, način donošenja odluka, prava i obaveza za sve članove Predsjedništva(Uprave), stručnih komisija i radnih tjela.

c) SEKRETAR AEROKLUBA

ČLAN 32.

Sekretar Aerokluba (u daljem tekstu sekretar) je poslovodni organ Aerokluba. Sekretara imenuje Predsjedništvo(Uprava) na period od 4 godine. Isto lice može biti birano za sekretara.

ČLAN 33.

Sekretar organizuje i rukovodi sprovođenje odluka Skupštine i Predsjedništva(Uprave). Sekretar zastupa Aeroklub pred trećim licima i odgovoran je za zakonitost rada Aerokluba.

ČLAN 34.

Sekretar vrši sljedeće poslove i zadatke.

-priprema ili organizuje pripremu normativnih akata ili drugih materijala koji se razmatraju na sjednici Skupštine, njenim radnim tijelima, Predsjedništvu(Upravi) i drugim organima Aerokluba,

-sprovodi ili prati sprovođenje odluka organa Aerokluba,

-vodi brigu o zakonitom radu Aerokluba,

-priprema sjednice organa Aerokluba,

-daje prijedloge odluka, rješenja i zaključaka iz nadležnosti Predsjedništva(Uprave),

-naredbodavac je za izvršenje svih odluka organa Aerokluba koje su finasijske prirode,

-vrši druge poslove za koje ga ovlasti Predsjedništvo(Uprava) Aerokluba.

ČLAN 35.

Sekretar može biti u stalnom radnom odnosu . O statusnim pitanjima sekretara odlučuje Predsjedništva(Uprave).

ČLAN 36.

Za svoj rad Sekretat je odgovoran Predsjedništvu(Upravi) i Skupštini Aerokluba.

d) UPRAVNIK LETILIŠTA

ČLAN 36a

Aeroklub ima Upravnika Letilišta. Upravnik je poslovodni organ letilišta. Odgovoran je za zakonit rad, te organizovanje i sprovođenje svih aktivnosti na letilištu i vezano za letilište i letenje. Upravnika imenuje Predsjedništvo na mandat od 4 godine. Upravnik može biti u stalnom radnom odnosu o čemu odlučuje Predsjedništvo.

V-JAVNOST RADA AEROKLUBA

ČLAN 37.

Rad organa Aerokluba i drugih tijela je javan. Javnost rada obezbjeđuje se:

- javnim održavanjem sjednica,
- blagovremenim i objektivnim informiranjem članova,
- saradnjom sa predstavnicima javnog informisanja,
- objavljivanjem odluka organa Aerokluba i Saveza aeroklubova BiH.

ČLAN 38.

U posebnim slučajevima organi Aerokluba mogu raditi bez prisustva javnosti a o razlozima takvog postupka zainteresiranim zvaničnim predstavnicima javnog informisanja su dužni dati obrazloženje.

VI-OBEZBJEĐENJE FINASIJSKIH I DRUGIH USLOVA ZA RAD AEROKLUBA

ČLAN 39.

Finasijska i druga sredstva za rad Aerokluba se mogu obezbijediti:

- iz sredstava Sportskog saveza Visoko i Općinske konferencije narodne tehnike Visoko, namjenski za sportsku aktivnost i tehnički odgoj,
- prodajom vlastitih usluga iz okvira sportske djelatnosti,
- iz sredstava ostvarenih dopunskom djelatnošću,
- članarine,
- na drugi način u skladu sa Zakonom.

ČLAN 40.

Obim namjena i raspodjela finasijskih sredstava, utvrđuju se finasijskim planom za svaku godinu . Aeroklum ne može preuzeti finasijske i druge obaveze iznad vlastitih finasijskih mogućnosti.

VII-NAČIN IZVRŠAVANJA STRUČNIH , ORGANIZACIJSKIH I ADMINISTRATIVNO-TEHNIČKIH POSLOVA

ČLAN 41.

Radi izvršenja stručnih organizaciono –tehničkih i administrativnih poslova u Aeroklubu se može angažovati i stručna osoba. Odluku o načinu obavljanja poslova iz predhodnog stava, zavisno od ukupnog obima poslovanja Aerokluba, donosi Predsjedništvo(Uprava). Odlukom o stručnoj službi utvrđuje se način obezbjeđivanja finasijskih i drugih sredstava za rad službe.

ČLAN 42.

Odfređeni poslovi posebno materijalno –finasijske prirode mogu se povjeriti vanjskim saradnicima ako je to racionalno.

VIII-PRELAZNE I ZAVRŠNE ODREDBE

ČLAN 43.

O promjenama Statuta odlučuje Skupština Aerokluba. Promjenu Statuta može predložiti Predsjedništvo(Uprava) Aerokluba ili najmanje 10 članova Skupštine ili 20 članova Aerokluba.

ČLAN 44.

Aeroklub prestaje sa radom odlukom Skupštine ili kad nadležni organ u skladu sa zakonom donese odluku o prestanku rada Aerokluba.

ČLAN 45.

U slučaju prestanka rada Aerokluba , imovina data na korištenje vraća se vlasniku. Od preostale imovine podmiruju se obaveze prema trećim licima a sa ostatkom se postupa u skladu sa zakonom koji regulira ovu oblast.

ČLAN 46.

Ovaj Statut stupa na snagu sa danom usvajanja na sjednici Skupštine.

